



## „Элст“ гидг гостиниц

Элст балгъсна тосхачнр октябрь сард бас нег ик гидг динлвр бәрцхäv. Эдн — „Элст“ гидг гостиницин гурвн давхр ик гериг болзгасн урд босхад, эдлггнд орулдж өгсн, 1-ч номертә тосхлтин управленә тосхачнр.

Тосхлтин сән кұцлтәр кеерулгддж кегдсн эн сәәхн гериг тосхачнр, Хальмг АССР-н Деед Советин негдгч сессий секгдсн өдрт белг гидж нерәлдцхäv. Тиигад чигн эн сессийд ирсн, Хальмг АССР-н Деед Советин депутатнр цугьар „Элст“ гидг гостиницин турун гиичирнъ болцхав.

Гостиниц 140-гар ормта. Хора болгънъ радиота, электрическ герлтә, шин мебельтә, шин ор-дертә, уурар дулалгдна, паркетәр буркгдсн полта, гостиницин бийиннъ ресторан бәәнә, люкқ-хорас бәәнә. Эн гер Элстд босхгдсн сәәхн гисн гермұдин негнъ.

Ах прораб Сангаджиевин болн мастер З. Толстолицкаян гардврт 1-ч номертә тосхлтин управленә тосхачнрин бригадс эн гер босхлггнд шунмгъа ке-вәр гүлжрцхäv. Тедн дотр сара зурагъан 150-200 процент кұргдж кұдәджәсн модна урчудин бригад (бригадирнъ Мендилов), штукатурмудин бригад (бригадирнъ В. Коняев), сантехникудин бригад (бригадирнъ Хохлышев), оln зүсн кōдлмшчнрин бригад (бригадирнъ Ольга Чанкирова), Афонина, Шарваевин болн нань чигн бригадс. Герин дотркинъ сәәхрүлдж кееруллггнд, ширддж зурлгъна бригад (бригадирнъ Ивакин) бас сәәнәр кōдлв.

Тосхачнр бас чигн кесг ним сәәхн гермұд босхдж, хотл балгъсан улм сәәхрүлхнъ лавта.

ЗУРГТ: „Элст“ гидг гостиниц.  
С. ДЖАКУЕВСКИЙ.